

KULIAH ZOHOR

“Niat Baik Sahaja Tidak Mencukupi”

Masjid Maarof | 26 September 2018

Muhammad Haniff Hassan

ismhaniff@ntu.edu.sg / www.haniff.sg

Matn (Teks) Hadith

مَثَلُ الْقَائِمِ عَلَى حُدُودِ اللَّهِ وَالْوَاقِعِ فِيهَا كَمَثَلِ قَوْمٍ اسْتَهَمُوا عَلَى سَفِينَةٍ ، فَأَصَابَ بَعْضُهُمْ أَعْلَاهَا وَبَعْضُهُمْ أَسْفَلَهَا ، فَكَانَ الَّذِينَ فِي أَسْفَلِهَا إِذَا اسْتَقَوْا مِنَ الْمَاءِ مَرُّوا عَلَى مَنْ فَوْقَهُمْ فَقَالُوا لَوْ أَنَّا خَرَقْنَا فِي نَصِينَا خَرْقًا ، وَلَمْ نُؤْذِ مَنْ فَوْقَنَا . فَإِنْ يَتْرُكُوهُمْ وَمَا أَرَادُوا هَلَكُوا جَمِيعًا ، وَإِنْ أَخَذُوا عَلَى أَيْدِيهِمْ نَجَوْا وَنَجَّوْا جَمِيعًا

Terjemahan Hadith

- Dari Nu`man b. Basyir r.a bahwa Rasulullah s.a.w bersabda,

“Perumpamaan orang-orang yang menjalankan hukum Allah dan yang sesuai dengan realiti yang ada ialah ibarat satu kaum yang peduli terhadap urusan kaum lain dalam sebuah perahu (kapal). Sebahagian penumpang di lantai atas dan sebahagian lagi di lantai bawah. Apabila penumpang di lantai bawah ingin mengambil air, maka mereka perlu naik ke lantai atas. Mereka berkata: Kalau seandainya kita membuat lobang air sendiri di bawah, maka kita tidak perlu mengganggu penumpang di atas. Seandainya mereka dibiarkan dan tetap berkeras untuk membuat lobang, maka akan binasalah seluruh penumpang, tetapi mereka dicegah maka akan selamat dan selamatlah semuanya.” (Riwayat Al-Bukhari)

Pengajaran Hadith

1. Menggambarkan sekelompok manusia yang mempunyai niat baik tetapi melalui tindakan yang boleh merosakkan maslahat umum, iaitu mereka yang berada di lantai bawah kapal.
2. Perlu memahami bahawa niat baik untuk melakukan dakwah dan perubahan tidak menjamin dirinya dari tindakan yang merosakkan
 - perkara yang memudaratkan umum boleh berlaku dari satu tindakan atas niat yang baik.

3. Tidak terkabur dengan kemurnian misi atau niat sehingga tidak dapat melihat kemungkinan perbuatannya itu salah atau memudaratkan
 - harus sentiasa peka jangan sampai niat baik menyebabkan melakukan kesilapan yang memudaratkan umum.

4. Amal bukan berdasarkan niat yang baik tetapi juga berdasarkan tindakan yang tidak mengakibatkan mudarat umum
 - niat yang baik bukan satu justifikasi kepada semua tindakan.

5. Hadith bicara mengenai dua kelompok; a) penumpang di lantai, b) penumpang di lantai bawah.
 - untuk mengingatkan akan kedua-kedua kelompok berkenaan sekaligus
 - jangan hanya melihat diri sebagai kelompok penumpang di atas sahaja
 - beringat juga kemungkinan berada dalam kategori penumpang di bawah.

6. Keseimbangan persepsi terhadap diri sendiri dan orang lain
 - tidak merasakan bahawa dia sentiasa betul (penumpang di atas) dan orang lain sentiasa salah (penumpang di bawah).